



Inatsisartunut ilaasortamut  
Jens NapätôK', Naleraq

Brev dato: 27-03-2026  
Sagsnr. 2025 - 23153  
Akt. nr. 25934363

Postboks 1614  
3900 Nuuk  
Tlf. (+299) 34 50 00  
E-mail: nap@nanoq.gl  
www.naalakkersuisut.gl

## **Isumannaallisaaneq nunanullu allanut politikikkut apeqqutit pillugit § 37 naapertorlugu apeqqut nr. 193-mut akissut**

Asasara Jens NapätôK'

Ulloq 11. november 2025 Inatsisartut Suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit uannut akineqartussanngorlugit innersuunneqarput.

- 1. Nunanut allanut tunngasutigut periusissiap nutarterneqarnissaanut isumaqatiginninniarnermut partiit tamarmik qaaqquneqarnerannut Naalakkersuisut uppernarsaatissaqarpat? Akissummut saaffiginnissutit tamaasa ulloq, nalunaaqutaq, qanoq nassiunneqarnerisut (allakkat/emailit/ataatsimeersuarnissamut qaaqqusissut) kikkullu tigusarineraat ilanngunneqassapput. Aammattaaq qaaqqusissutit assiliartaat ilanngunneqassapput kiisalu partiit sorliit qaaqqusissutinut taakkununnga tusarnaarsimanersut, kikkut ataatsimiinnernut peqataasimanersut suullu oqaluuserineqarnerisullu kiisalu Ataatsimiinnernit oqaluuserisassat ilanngunneqassapput.**
- 2. Nunanut allanut tunngasutigut periusissiaq pillugu 1. januaari 2025-miit Naalakkersuisut Naleqqamut saaffiginnittarnerat qanoq amerlatigippat? Akissummut saaffiginnissutit ullui imarisaalu Naleqqamiillu akisoqarsimangippat, akissuteqarnissamut noqqaassutit (ullui imarisaalu ilanngunneqassapput.**
- 3. Naalakkersuisut nunanut allanut tunngasutigut politikikkut periusissamik missingiummik missingiutinilluunniit nutartikkanik peqarpat? Akissummut qaqugukkut suliarineqarsimanersut, kikkunnut nassiunneqarsimanersut tusarniaassutigineqarsinnaasullu qaqugu qaangiussimanersut ilanngunneqassapput.**

Akissut:

Kalaallit Nunaata nunanut allanut, isumannaallisaanermut illersornissamullu politikikkut periusissiaa "Pineqartilluta ilaassaagut" 21. februar 2024-meersoq piffissamut 2024-mit 2033-mut suliaavoq. § 37 naapertorlugu apeqqutip 193-p tiguneqarnerata nalaani periusissiamut

nutaamik isumaqatiginninniarnissamut Naalakkersuisut Inatsisartuni partiinik aggersaasimannngillat. Taamanikkut Nunanut allanut Ilisimatusarnermullu Naalakkersuisuusoq decemberimi 2025-mi periusissiap ilaata nutarterneqarsinnaaneranut aallarniutaasumik oqaloqatiginninnissamut Inatsisartuni partiinik tamanik aggersaavoq. Oqaloqatiginninnerit UPA26-mi aallartinneqarnissaat ilimagineqarpoq.

- 4. Nunat susassaqtartullu sorliit Namminersorlutik Oqartussanit pisortatigoortumik ataatsimiigiaqquneqarsinnaanersut suleqatigineqarsinnaasulluunniit pillugit Naalakkersuisut sunik tunngavilersuippat – ilaatigut Namminersorlutik Oqartussat nunani tamalaani pillaatisianik ataqqinninnissaat namminerlu najoqqutassiaminnik pingaartitaqarnerminnullu ataqqinninnissartik qanoq qulakkeersinnaassavaat?**

Akissut:

Kalaallit Nunaat NATO-mut nunanilu killerni iligiinnut ilaavoq. Naalakkersuisut nunanut allanut, sillimaniarnermut illersornissamullu politikkertik Namminersorluni oqartussaaneq pillugu inatsisip, naalagaaffiit innuttaminnut pisussaaffiisa inuillu pisinnaatitaaffiisa sinaakkutaasa iluanni Kunngeqarfik suleqatigalugu ingerlappaat. Naalakkersuisut nunat tamat akornanni suleqatiginninnerat Issittumi eqqissinermik, aalaakkaasuunermik inatsisitigullu malittarisassat malillugit qulakkeerinninnissamik siunertaqarpoq.

- 5. Kalaallit Nunaata imminut napatissinnaanissaa pillugu sinaakkutissatut isumaqatigiisummut isumaqatiginninniarnierit partiit tamarmik siusissukkut peqataatinneqarlugillu peqataatinneqarnissaat Naalakkersuisut qanoq qulakkeerpaat? Akissummut aqutsisooqatigiit, tusarniaasimanerit piffissallu qanoq ilinerani suliarineqassanersut ilanngunneqassapput.**

Akissut:

Naalakkersuisut Siulittaasuat Danmarkimik sinaakkutitut isumaqatigiisut pillugu Aningaasaqarnermut Akileraartarnermullu Ataatsimiititaliamik ulloq 3. oktober 2025 siunnerfissioqatiginnippoq. Isumaqatigiisuttip atortussanngortinneqarneranut atatillugu ataatsimiititaliaq ingerlaavartumik akuutissallugu, ataatsimiinnermi tassani Siulittaasoq uppersaavoq. Akuutitsineq taamaalilluni Aningaasaqarnermut Akileraartarnermullu Ataatsimiititaliaq aqqutigalugu pissasoq pilersaarutaavoq.

- 6. Nunanut allanut tunngasutigut periusissiamik nutaamik suliaqarnissamut Naalakkersuisut piffissaliussaqqarpas, ilaatigut partiit tusarniaaffigineqarnissaat, tamanut tusarniaaneq akuersissutigineqarnissaallu pilersaarutaasumik? Akissummut qaaqqussutissat tusarniaanermullu allagartat nunanut allanut**

**tunngasunut periusissiaq pillugu nassiunneqartut (2025-miit maannamut), Partiit ataatsimeeqataasimaneri/periusissiaq pillugu ataatsimiinnerit, isumalioqatigiissitsinissamut pilersaarut tusarniaassutigineqartoq, periusissiamut missingiutaasut tassungalu tusarniaasimanermi akissutaasimasut allattorneri, nunanut allanut qaaqqusinissamut piumasagaatit allattorsimaneri pillagassanngortitsinerlu qanoq malinneqarsinnaasoq, isumaqatigiissutip qanoq ingerlanissaanut allagaatit (suliassat, piffissaliussat peqataatitsinerlu) ilanngunneqassapput.**

Akissut:

Naalakkersuisut nunanut allanut, sillimaniarnermut illersornissamullu politikikkikut periusissiamik nutaamik suliaqarnissamik pilersaaruteqanngillat, periusissiali nunarsuarmi politikikkikut pissutsit taassumalu Kalaallit Nunaanut sunniutai iliuuseqarfiginiarlugit, ukiunut qulinut periusissiap ilaata naapertuuttup uterfigisarneqartassaaq. Inatsisartuni partiit tamarmik aallarniutaasumik oqaloqatigininnermi peqataanissamut, UPA26-mi aallartinneqartussatut ilimagineqartumi peqataanissaannut aggersarneqarput.

Inussiarnersumik inuulluaqqusillunga

  
Jens-Frederik Nielsen